



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 三六三

胥園詩鈔十卷附詩餘一卷 莊肇奎撰

一

松翠小菟裘文集四卷松翠小菟裘詩集十二卷 王佩蘭撰

七五

筠心書屋詩鈔十二卷 褚廷璋撰

一八五

訥菴詩存六卷 汪啓淑撰

三三五

次立齋詩文全集六卷（詩集四卷文集二卷） 袁知撰

四四五

大俞山房詩藁十二卷（詩藁十一卷詞一卷）附錄一卷 黃璋撰

五二五

胥園詩鈔

莊胥園先生出其平生所作詩若干首命余編校爲
淘汰其十之四排纂整齊分爲四集共得十卷末附
詩餘一卷先生自號胥園而總名之曰胥園詩鈔云
余與先生交最深先生之仲子又從余游宜先生之
有是命也先生爲詩務以精意相融結不襲蹈前人
句律而其生平仕宦又冒歷艱險跡其出處有可慨
者然其詩於塞外諸篇爲尤奇乾隆庚戌春先生奉
命召還卽出守嶺南數年之間屢膺殊擢
天子有意矜全涵濡沐浴思欲大究其用
主聖臣良亦遭其時而然歟先生今年七十有一筋

胥園詩鈔序

一

力耳目未嘗少衰其位望日隆而其詩且益富昔陸
放翁年至六十存詩始多自茲以後所作當別爲分
卷則余請以異日埃命俾假時力懷鉛握槧得從事
於先生之詩宜未有已也嘉慶二年歲次丁巳十一
月旣望長洲後學顧曾再拜謹序

予讀詩至商周雅頌之作而知古之名臣不但以功名顯也唐宋以來魁奇之士不可枚數若韓白歐蘇之徒又卓然以詩名後世考其政效如庖丁之解牛恢恢乎游刃有餘地焉是以夫子論誦者必達於政事此豈學無本原而才非兼濟者所可同日語哉秀水莊胥園先生以學博保薦爲縣令歷官至方伯足跡幾遍天下艱難險阻蓋備嘗之而一發之於詩雖其長在吏治而所爲詩陶寫性靈別開一格今讀其胥園詩鈔若塞外諸篇才力雄放襟懷灑脫雖古之作者無以過也惜其未登於朝和聲鳴盛以追商周雅頌之作者而所爲詩亦僅止此十卷嘉慶二年吾友少卿校定之先生年已七十有一踰年而先生卒矣後之讀是集者因先生之詩以想其爲政之風流當不啻於韓白歐蘇之徒也予未及見先生而識先生之令嗣芝階芝階屬余爲之序爰書以誌向慕之私云嘉慶十七年正月旣望長洲顧承序

胥園詩鈔目錄

浙西稟

一百零四首

黔滇稟

一百二十一首

塞外稟

二百一十五首

嶺南稟

一百二十四首

詩餘

胥園詩鈔目錄

二十四首

胥園詩鈔卷第一

秀水莊肇奎著

長洲後學顧曾編選

浙西豪

述懷四首

少小鄙純袴俛首向陳編嬉戲拜重慶扶杖高堂前
束髮入家塾記名識古賢八歲讀謨誥九歲經笥便
十歲辨四聲學吟騷雅篇十一始遠游颯沓千山巔
荏苒就荒輟已逾弱冠年杖策來長安展翮圖高鶩
奇材與捷足擊轂相摩肩而我性疎略肯受公卿憐
人生感知已所重首功名男兒志讀書得意欲自鳴

胥園詩鈔卷一

十一

初來踐塲屋寸鍊相持爭一戰罷鼙鼓再戰舉旗旌
慷慨不足數感激徒爲榮修書報高堂高堂憂喜并
凝望游子遠鯤鵬期孤征白日一何速春風鳴倉庚
此舉亦良易解褐趨承明誰料策羸馬獨出長安城
麻姑自東回桑海忽驚變倉黃書南來摧折如遭譴
祖歿父亦亡蓋棺不一面執書拊心泣不覺頭目眩
家橐畱空椽縣官封入縣高門與駟馬飄忽若流電
區區百劫身輕如葉一片生不識飢寒何以處貧賤
八口自南土寄居沽水西開門對濁流呼渡臨高隄
屋宇草爲骨濕爛皆塗泥欠伸能自適幸有梁鴻妻

蓬髻不事飾屋矮頭爲低男兒重意氣意輕青雲梯

人生不富貴閒冷如鳬驚人生不窮賤柔脆如裊并

世真無伯樂亦欲空栖栖病驥偶伏櫪千里還長嘶

春日同徐瑞昭王聲遠及家兄董醇上懷集

陳七丈家圃涵春閣小飲卽席分得紅字

擎杯狂飲對詩翁鎮日埋愁麴葉中閣外梅花臨水

白尊前人面映霞紅春雲擁樹將成雨座客揮巖疾

似風卻笑南州一高士可能容易酒樽空

春夜苦雨

連朝連夕雨纖纖煩惱詩人筆倦拈花半未開旋半

胥園詩鈔卷一

二

落衣頻欲減又頻添龍孫盡透飄新籜燕子低飛入

畫簾嫩綠池塘春水足占晴今夜火頭尖

九日

節序驚心晚秋江浸落霞雁排新到陣菊綻去年華

守拙居鄉里登高望海涯關心二千里曾否憶還家

秋景

逼人清皎氣秋色淨無邊霜白黏衰草水光橫遠天

浮雲高愈薄古樹老能妍遼廓涼天碧蕭疎夕照前

送李金章入都

花外小車從此絕鞭絲帽影颺斜暉人將衰柳西風

去魂對愁雲落葉飛窗暗燈花淒夜雨嶺橫烟瘴撲
征衣鵬搏此去程伊始噪得才名滿帝畿

八月十三日夜雨

陰霾滿目未中秋冷雨淒淒獨早愁知是三分還帶
缺不須橫笛上層樓

春日途咏

飛紅墮白澗香愁翦翦東風吹未休天闊水雲堪入
畫山高烟靄却如秋隔林野鳥啼魂斷夾岸春花引
夢畱回首青峯過來處不知又過幾峯頭

過灘遇雨口號

胥園詩鈔

卷一

三

春霖惱歸客湍石礙舟行水色連山色灘聲逐雨聲

思親

人到思親未有涯飛鴻目斷隔仙霞自浙至閩惟仙霞嶺最陡絕
身歸故里渾疑客夢到他鄉錯認家多病倩誰嘗藥
進思兒那更勸餐加伯仲及奎俱平安兩字千金重

南望寒雲日又斜

夜吟

敲落燈花午夜深蟲吟咽凍月初沉詩魔不怕寒侵
骨催得愁人擁被吟

西子

盡說傾城伯業荒姑蘇臺下冷宮廊屬餽不扶孤忠
眼國未全因西子公

讀項羽本紀感賦

血戰英雄怨未平拔山力盡國旋傾可憐八十奇謀
將不共虞兮哭一聲

隨嚴親自西安赴蘭州

征鞍休仗少年時已覺羸軀儘力持出樹有聲蟬翼
薄迎鞭無力馬蹄遲山風冷逼吟肩聳曉霧寒衝病
骨支極目故鄉雲樹裏蒼茫客路自題詩

曲折羊腸路自通曉行杖策霧濛濛鑿山爲屋人都

胥園詩鈔

卷一

四

黑種棗成林果半紅蕎麥有花穿徑仄晴峯無樹插
雲空來朝風景知何限琴劍蕭然野店中

關山頂口占二首

策馬登臨去青山剛半紅亂林開仄徑殘葉綴疎叢
故國層雲外長途一雨中自蘭州登程無日不雨練教筋骨健
奔走任西東前自東省赴蘭止十餘日即復自西省回陝

莫愁泥路滑一度最高巔霧暗疑藏豹雲深合住仙
驚飈吹落木亂石激流泉曲徑崎嶇絕行人漫著鞭

見雁

鄉書曾未達行驂征雁衝寒叫不堪一點若能通萬

里倩他排字到天南

過漢光武墓

炎漢回天志竟酬江山依舊復歸劉功成百戰英雄
死剩得殘碑終古留

春暮

紅自飄零綠自肥輕風漸暖薄征衣晴雲遠樹依稀
合浪蝶殘花歷亂飛啄木有聲迎客至提壺無酒餞
春歸流年暗裏頻偷換馬上青山又落暉

曉雪即霽

矮簷喧凍雀天半落花初淡日涵雲薄輕風點竹疎

胥園詩鈔卷一

五

仗寒畱樹杪破曉濕庭除莫學袁安臥晴光照讀書

七月晦日內子初度

柏露懸囊綵仙家歲月遲安貧受爾命居易待吾時
尚少兒吟哺惟餘婢捧卮願從百歲老不用悵歸期

秋日感懷

家在天涯又水涯一間閒占白鷗沙蟹螯滋味宜鄉
夢籬落風光對野花端爲多疑來市虎未曾豁病辨
弓蛇艱難空手歌行路痛惜功名到歲華

丙子春津門送朱樂兮之黔中

年來蹤跡類飄蓬禍福無從問塞翁君有新籌遙借

箸我多怪事輒書空寒烏啼繞枯枝外病馬驕嘶短
檣中濁酒一尊人萬里蕭蕭華髮染春風

襤被千山走客星送行人共歎浮萍艱難蟻遷新
穴辛苦鯢鵬徙舊溟瘴雨離懷髣髴漸白蠻花獨醉眼
誰青盤江鏡索題應徧藤杖歸來記再經

送李二蘭浦入都後對梅作

清癯只合伴花看又撲黃塵歌路難想得冒寒人去
後五更殘雪壓征鞍

爲憐春色未全回底事吟香著意催君去梅花已無
主尚畱殘蕊不須開

胥園詩鈔卷一

六

畱別查二圩田

春風倚棹別知音殢雨天涯感獨深風雅琴樽歸客
夢飢寒口體故人心時以寓津入口相託鵲啼萬里還餘血猿
斷三聲未了吟握手更添銷骨恨夕陽疎柳碧雲岑

寓維揚建隆寺偕方丈福顯長老處士王古

村分賦

天涯有客憩長途爲訪高僧興不孤幽咽濤聲煎雀
舌暖蒸花氣上蝦鬚艱難漫結新詩侶揮霍誰憐舊
酒徒欲向禪關長守寂扶疎竹影對清癯

王古村問余居津何所事荅之以詩

浮家沽上息塵勞自卷蘆簾倒濁醪小婢捧茶烹抹
麗野人挈榼餉葡萄踏水赤脚心還熱鍵戶科頭興
亦豪況是琴樽欣有託

謂查二
圩田

夕陽呼渡一拏篙

不寐

暗數深更枕未安湘簾斜月上欄干馳情那覺關山
遠得夢真同富貴難野闊幽蛩吟正苦夜長殘燭淚
先乾攬衣數起當窗坐風透疎櫺削面寒

雪霽

江天眺望縞無涯杖西郊逗晚霞淡淡紅拖半山
日昏昏黑壓一林鴉酒邊易暖燈前夢染處難消鬢

膏蘭詩鈔

卷一

七

上花不整吟鞭趁晴去抱寒苦戀野人家

丁丑春查二圩田植新柳一株于寶研齋東

偏濯濯可愛得詩四首

不將離別管行人安穩低闌曲院春細草池塘風似
剪曉吹顏色上枝新

腰肢未解闌妝臺生怕東風及早催恰憶小蠻初學
舞宮黃帶得白家來

三千宮女妒妖嬈新雨承恩自昨宵卻笑平明還淡
掃蛾眉生就不知描

春色分來爾最多春光逾半尚蹉跎軒窗手植三年

後爲染郎衣汁好搓

同年劉可型以其族叔麗叟看竹小照索題
渭川千畝枝葉數相親到處追髯蘇古人寄托在題
咏今者復見先生圖先生磊砢抱奇節長身獨立雄
萬夫平生嗜古有奇尚芸香蠹簡傳精廬軒窗游戲
偶弄筆內擲外拓瑯琊書

麗叟
善書

更通神瘦硬含婀娜人
獲个字珍璠璣烟雲落紙不自惜肯以餘技矜區區

行年忽已過五十耄學亟宜師衛蘧念君宛在淇澳
側倚倚蕤竹臨清渠新泥圻地迅雷震重陰蔽天炎
歆驅蕭森含露涼易入堅直瀉雪冬不枯風生清籟

膏蘭詩鈔

卷一

八

奏解管雲拂高影集鳳雛四時顯晦各有態欵門直
造誰停車我來浮家共沽水得交小阮情投孚春風
會記一識面蒼然濃綠浮眉鬚古心古貌老彌勁繁
華過眼成荒蕪緣知涉世抱成竹是身青翠參跼踖
披圖髣髴竊驚訝故吾何必同今吾

圖係二十
年前所寫

檀樂
相對藉簪俗此君何可一日無名材懶充篠簜貢退

谷何異簪簪居殷勤示我索長句小阮奔促如通逋
與酣援筆更停手欲進一解聯吾徒從旁添寫阿咸
共竹林舊事夫何殊

白石榴花二首

叢綠無端借白描洗妝梅雨正瀟瀟羅袞謝爾會相
妬雲鬢憐它不受燒日暖烟生攢碎玉月明風細剪
輕綃向炎獨抱冰霜質忍使鉛華對俗銷

紫萼丹鬢色不分特標澹素要離羣冰肌雨細香流
汗霧縠風輕皺蹙紋不見小山飛絳焰卻疑樵子帶
仙雲花光比似心同潔一任空庭赤日熏

七夕爲查厚之內人誕日戲作三首

辛苦回文手自裁郎君應亦遜仙才不須庭下陳瓜
果合向妝臺拜乞來

今宵小渡淺銀河天上初拋織錦梭何似人間琴瑟

胥園詩鈔

卷一

九

好笑它會少別離多

華筵設向綠猗亭烏鵲無聲酒半醒今夕稱觴無別
語天長地久此雙星

送朱梧巢南歸

與君生同里同里不相識與君客同方意氣遂相得
相得無幾時歸期忽相迫念昔初見君君容不修飾
蕭然野鶴姿玉立杳難卽君弟隔月來述君頗相憶
拳拳通悃忱稍稍涉筆墨讀君鴛湖詞土風頗詳核
斜塘燕影翻長水螺紋積鷹窠翥日紅驚磯吐月白
空濛水氣中但聞夜漁簫清景列眼前掩卷夢鄉國

八載客直沽蓬梗嗟浪跡北溟困鯨鬣西風踴鵬翻
輕彈隋侯珠枉抱陵陽玉矯首盼南雲游子歎行役
掉頭不肯住一尊盡祖席人生天地間至養逮顏色
溫嶠悵絕裾毛義欣捧檄華廡如鴻毛鼎牲亦雞肋
升斗不可邀徒勞岬岬陟飲水合盡歡負米思竭力
青衫出國都白髮倚門闥還家正深秋捫捫穫阡陌
神祠賽簫鼓場圃登黍稷豐稔介眉壽團圓集祉福
君去奉庭闈兼欲耽泉石想當合并時聚散等晷刻
我驂幾時鞭情思浩無極

題高叟教子圖二首

胥園詩鈔

卷一

十

侵晨高卷幃山色餐蛾綠岡連亘朝雲檐際吐微旭
芸香走蟬魚陳編飽所欲冥心探微茫妙義忽振觸
瞻彼膝下兒森若階前竹一一強記覽俯首百回讀
余欲步屨來霜柑酒初熟

昔聞鄧仲華教子執一藝又聞劉長盛傳家經史備
惜哉陶公兒祇將梨栗嗜又怪杜陵懶廢學任遊戲
人生分賢愚賦質厥初異不見神駿駒汗血驚墮地
蒙養聖功崇他年清廟器何時婚嫁畢五嶽徧游憩

贈珣田

丈夫不受恩受恩敢自惜每思一介士平生恩不易

卻恐惹春風子又生

抵天津飲玕田齋中明日復集西園席間分

賦

征帆初卸一尊開重向西園潑綠醉歸客離愁隨雨
盡涼花吟思入秋催寒蟬碧樹空搖曳獨鶴青天自
往來世事何當全脫卻閒吟安穩日追陪

輓海寧相國陳文勤公

輔星無聲隕如石仰視天文黯東壁

天子震悼四海驚慘日愁雲變朝夕

用唐太宗輓魏徵詩中語

浙西大族數海寧家學往往畱遺經昔公少年振羽翮

齊園詩鈔卷一

主

揮毫青閣趨明廷乍上霜臺班柱史旋持玉尺量多

士公門栽徧桃李陰平泉歸老邱園陞

龍章寵錫著手模榮光燭天古所無五千白鏹出內

庫作與丞相歸田娛開府下暨丞簿止出郭送迎三

十里浙西當事各存問他時徵拜還須起史臣執筆

不一書野老傳述相權呼受

恩轉深病轉篤哲人竟萎何爲乎

錫諡與贈并祭葬百官揮涕臨街衛精神長此歸仙

關丹旆飄搖指南發霜崖草木秋氣深夜臺風露白

日沈不才謬許臨公喪黃塵剝骨刻不忘如公五福

莽莽走天津舉眼一無識得上君子堂素心共晨夕

所恨結驩淺家難轉逼迫入口棄如屣一身事行役

溝壑亦分耳君曰就吾食游楚無顧憂在陳不受厄

常擬一飯報況懷終歲德甚知君意直握手無德色

賤子生事微比來轉困極棲遲突不黔飢寒守煙墨

溟渤偃縱鱗風雨鍛長翮俛仰結百憂軀幹漸成瘠

顧茲螻蟻輩求穴但自足豁達覺顏覲鄙性日就癖

長揖將辭君舍君又奚適中夜起徬徨迂拙難變策

東郭良可羞吹竽側末席馮煖一無能彈鋏列上客

願分鄰壁光稍供貧婦織飢鷹落遙天依人且垂翼

齊園詩鈔卷一

主

題顧禹拜倚樹聽泉圖

圓松偃虬蓋獨與相周旋日色不到地水聲飛上天

移情足今古高隱卽神仙未許濯塵土我生空自憐

題于游戎堯章山水圖

家山芳草碧初齊客邸遮畱日又西烟水一湖花外

舫展圖疑上白公隄

題沈雨芷影雲小傳

瓊枝易瘦照清渠好事終令玉鏡虛斷絕錦鱗三十

六銷魂還有一封書

一卷沈吟恨未平綠窗徙倚惱幽情啄餘紅豆休拋

膺已足公孫振振門日昌孤寒下淚獨回首誰更哀
第一舉手

臘月赴濟南沈椒園舅臬署得樹軒盆菊尚

開賦詩命和

詩人遲暮憐顏色來趁西窗菊未殘冷蕊爭從前夜
發好花畱得半年看雪霜無恙應思節松柏知君亦
傲寒管領秋光還送臘此間生意十分寬

大雪初霽還武定

雲疑風急豁雙眸一白能窮天盡頭我正豪吟驢背
穩苦寒如此亦風流

胥園詩鈔卷一

圭

胥園詩鈔卷一終

胥園詩鈔卷第二

秀水莊肇奎著

長洲後學顧曾編選

浙西彙

月下吟

堂前懸霽月堂上展清風繪影千林直涵光一鑑空
明生幽壑底春駐綠陰中料得吟情健銀蟾處處同
題施體仁看竹小照

高軒抱節坐雲喂圻地春雷海角來愛爾簷簷居退
谷讓他篠簜貢名材烟霞石上無多侶風雨樽前得
幾回我欲款門深翠裏好懷長對此君開

胥園詩鈔卷二

十

途中口占

嘶馬閒吟寒日斜一天秋思酒人家停車未飲客先
醉吹面野風開豆花

壽山左廉使椒園舅六十韻

德業崇金鼎才名麗絳霄使星

當代重揚鐸太平謠校理文原富元和德竝昭一經
遲席奪八詠早名標光彩盤龍虎風雲佇鸚鵡我
皇闕賢路大雅起崇朝

鳳詔班資貴鴻詞藻采超摩天員際遇振翩便扶搖
人物歸宗匠文章報

聖朝凌虛均雨露選璞探瓊瑤騏驎爭馳騁梗相備
斷雕青藜書罷校白鷺羽旋翺清峻風臺閣昌言頌
舜堯花磚隆左掖霜簡肅羣僚秉節分持斧飛芻轉
使輶除書丹鳳下揚旆玉驄驕按部齊三郡監司宋
八條萊夷嫺誦習青海靖浮澆儒者琴爲理

清時玉自調

帝心簡首洛廉鎮重遷喬燕喜隆茵鼎鸞迴奉錦纓
倚閭欣日永望含憶雲迢色養千鍾逮歸依五福邀
升軒珂里耀舞綵繡衣飄荆茂田庭樹芝繁謝砌苗
莪蒿謦蓼蓼車乘起翹翹新制頌

霄園詩鈔卷二

上

昭代唐音獻大韶辛勤成補註一覽助旁招犀帶榮
膺體金魚寵繫腰福星照畿輔祥靄指元枵統轄稱
慈愛重來慰耄髯陳箴追德裕弼教法咎繇用荅東
方氣咸瞻北斗杓鈍椎皆拂拭寶器盡鏤琬末座容
趨謁名家奈寂寥後生慚相宅先世盛齊鑣青漢梯
初試烏衣巷已凋三秦棠蔭在八口絮踪漂滋涸將
餘潤趨風遂寄僑陽春吹嶰谷低幹托鷓鴣助嶽塵
何薄非桐尾正焦絨封在肌骨聲價長簞瓢曾許分
題錦兼叨侍飲蕉薺花憐亦好燈火對還挑隱拙編
顏謝和鳴叶管簫人間司鼓鑄天際度清遼丰格亭

亭鶴家聲葉葉貂同庚偕翟莠週甲壽松喬翠柏森
鈴閣華山挹綺寮攀雲看玉樹奪錦信龍標蘭夢應
多兆螽斯未可料典宗知日盛莠祿自天要雙壽霞
漿艷三秋景物饒嫦娥呈寶鑑天女獻丹綃躡履爭
披霧冲懷及采莢東溟窺浩淼泰岱誦茗堯紫氣迎
仙馭西風阻客橈它年逾雙鑠八座正逍遙附鳳聯
春陌趨鳧拜午橋當筵敢致語未免愧啁噍

辛巳禮闈報罷謁選得教職仲秋攜家南下

計客中寒暑已七易矣流連舊游得詩八

首

霄園詩鈔卷二

上

春華冉冉憶長安楓葉千山野燒寒白髮未生憐去
國青瑣無恙笑稱官杜蘅欲采將誰贈橘柚空垂祇
獨看過眼景光終自愛桑榆不放夕陽殘

共泥春風幾斷魂歸從沽上訪琴尊空庭寒竹響溪

閣斜谷野雲封海門篋裏吟牋詩老淚謂余楓衰中

塵札相公恩余寓天津時海昌相國陳白頭王建

風流在後起斯文好共論謂同行

海濱講席忝論文開館三年重使君山左武定赫太

兼掌敬前輩真能憐末路謂山左廉訪身及高風相

與薄層雲寵行多士辭秋杪辭館北上擁坐奇書校

夜分仍帶樂陵霑化二今日扁舟成感舊西山吟望

又斜曛

庚辛兩度上金臺失手名場被放回吟草夢消憐別

去夏季家仲挑發賣文金盡賦歸來故人已是成虛

望

聖主何曾棄不才恰喜

恩光沾異數他年還許近蓬萊

煙波遙接玉京塵去住皇皇意未申當路關津稽過

客薄情風雨妒歸人寒雲壓岸停終日黃葉隨江送

小春回首滄州明月夜兩番惜別最傷神余遇沈南雷即別

胥園詩鈔

卷二

四

村碕塢籬引秋深細雨江城接暮陰長嘯一身詩滿

篋等閒八口事關心鄉榆環堵皆如故越鳥巢枝不

可尋引領菟裘何日就草堂風月自橫琴

十日抽帆五日停吹來溪雨帶龍腥波平野寺浮杯

白山入孤舟潑眼青衰葉辭秋初下木幽禽掠水自

開萍計程彈指江楓冷耳熟吳歌子夜聽

疎柳山村易夕陽沈寥天氣立蒼茫萬喧沉寂星河

迴一水縈迴枕簟涼明月在篷秋思闊好風吹艣夜

聲長多情獨有南征鴈直送吟身返故鄉

中秋途遇沈南雷同舟兩日即別

胥園詩鈔

夕照西風岸柳前愁絃歡酒送歸船相期投轄秋應

老約余秋杪赴杭歡聚

不料班荆月正圓隔水蒹葭吟野露收

帆村塢步溪烟明晨君又匆匆別爛醉今宵抵足眠

此行豈是隔年回南雷親山左冬初歸杭離緒循環倚水隈對

面忽逢疑客夢挽衣難別怨君來山光中斷層雲合

秋影平分兩棹開且復須臾橋上立篙師整纜苦相

催

朱梧巢舟中值六十初度賦詩二章屬和

名場失手鬢皤然且喜科登耳順年羈客與君仍下

第吟身無恙共懷鉛重來毛檄終須捧一領萊衣已

胥園詩鈔

卷二

五

足傳恰好六旬翁八秩倚閭應早盼歸船

布帆偏阻潞河風殘暑初秋一雨中去國最憐同社

燕此心已分託冥鴻編茆有屋溪山約負郭無田筆

硯功歸去蘭徵他日夢含飴堂上白頭翁梧巢尚未有子近買

姬一

渡江望金山作

巨鯨承天守坤軸牢住江心日月沐鯨魚鼓鬣波濤

翻我來澄練秋風寒篙師無聲波浪靜扁舟疾下時

往還僮僕爭苦渡江險而我但惜登山難衆山青翠

雲霧開此獨金碧輝亭臺我

一一

皇六龍曾駕馭山祇日望重遊豫桃花春水似掌平
定有江神效靈助明春聖駕南巡

登銀山偕梧巢分賦

渡江泊舟停水灣振衣躡翠登銀山扶筇且喜詩叟
共踴躍直上相追攀人生自苦頭項縮到此俯仰開
心顏水天一色蕩空際吳楚萬家吟望間江豚拍浪
爭出沒漁艇掀波頻往還此山之名不知始直孤落
落如高士我從江上望金山樓觀沈沈驚眩視唐宋
名手來題詩遂使屹然成獨峙惟此偃蹇何爲哉一
片斜陽數樵子江南江北青峯多顯晦不同亦偶耳

胥園詩鈔卷二

六

秋風淅淅吹衣裳蓼紅杜碧蒹葭蒼君雖白頭筋力
健我亦青衫游興狂收攬奇翠蕩塵濁相與久立烟
蒼茫君不見昭關伍大夫報讐雪恥強句吳一朝運
盡無良圖對此往跡空嗟吁昭關卽在銀山下

憶查圩田

蘆花蕭蕭滿江雪老蟲泣露鳴乾鏤秋風如水寒無
衣黃鵠分飛怨離別我昔攜家汎汙水故人棄我如
糠粃囊空餓倒忽逢君得句爭投從茲始逆旅雙魚
指困米青城乳酒丹霞綺賣文別去生事微風流祇
覺如君稀京國相逢淚如雨拂拭琴樽共延佇白比

萱草劉杜康龍爲東野雲韓愈今我不樂歸去來塵
祛摻執黃金臺歲月已暮不可回青冥契關令心哀

苦雨阻舟悶作

打篷急雨聲不息聽徹江南與江北霜崖落木秋氣
深停舟對案不能食但聞斷鴈折葦鳴殘燈明滅無
顏色想當陰帝勢初乘約束豐隆效官職更遣河伯
來報書蛟室鰲宮奉宣敕千頃天河竟欲翻百萬雨
師齊著力却嫌歸客乘孤帆攔截中途行不得一雨
猛疾無時休山風吹江滿江黑我欲乞權歸炎帝有
如東遷周命革虹霓星宿雲漢津兼旬不見成苦憶

胥園詩鈔卷二

七

有時漏日喜欲狂澹淡猶能變頃刻篙師無事但酣
睡客枕蕭條憂反側天門滉蕩思高飛欲向冥鴻借
雙翼

壬午夏日自遣

但擁琴書座休尋松柏園一蟬上高柳片雨過前村
名薄應焚棗居卑空記恩誰憐春夢蝶猶有未銷魂
多情惟李白雅意託莊周長飽監河粟閒吟杜若洲
土膏知雨足村塢見花稠江漢風流廣如君不可求

謂李明府蘭浦

蜻蜓依草立蝙蝠撲簾飛竹裏風常滿尊前客乍稀

薄雲停片水斜月下輕扉露坐耽幽趣中庭暑氣微

張荔岩餉鮮荔支以詩爲謝

荔岩佳公子佳果話疇昔少小游八閩頻躡九仙石
寓閩省九仙山雲葉階下垂引手可連摘殼紋厚有
產荔支數十株稜風味甘流液白玉仙人漿清冽不吐核手擘荷羅
囊每啖輒盈百饜足八九春視之不甚惜束髮走燕
秦萬里事行役哈密餉寒瓜馬乳產西域細思色香
味對之每追憶爲君溯曩游君言此易得呼童瀉玉
盤驚喜詫奇特如逢吾故人風塵滿顏色荏苒二十
年何由展良覲因之及尊鱸貪饒快宵臆

胥園詩鈔 卷二

八

擬古二首

人生等朝露俛仰白日馳與君及少壯努力相追隨
況當閒暇日對茲清慧姿秋月輝素腕幽蘭生蛾眉
攜手長巧笑花影臨階移歡樂殊不足何以生別爲
懷懷白露漙冉冉秋雲起元蟬咽無聲蟋蟀鳴不已
卷簾黃葉飛隱几青山峙暮色來庭隅中有悲秋士
涼風花參差感物憂方始殷殷南山雷所思空自邇
悠悠室中人展矣念君子

次韻張砥德秋夜偶成

碧宇涼如水披衣坐夜分郡樓湖上月官閣嶺頭雲

鳥宿千門靜天高一簾聞此時秋正好獨立正思君

將赴瑞安教諭任感賦二首

肯放桑榆夕影殘秋風如水淚空彈窮居海澨眞知
命笑作人間不要官相馬何年收病骨發身無術戀
儒冠祇愁首蓓闌干長詩句還應逼瘦寒
楓葉如花不是春荻蘆如雪正愁人駕湖水別豪吟
客雁宕山招吏隱身韓愈未忘書再上鄭虔惟與酒
相親爲貧捧檄衝寒去慚愧荒齋詎療貧

嘉平送四弟用堂自瑞安旋里

一路題詩送夕暉勸酬今與願相違嶺頭暮雨家何

胥園詩鈔 卷二

九

在海角殘年弟獨歸官冷吟床空對酒天寒游子悵
無衣明年春草庭前發爲整西窗板屋扉

癸未夏自禮闈罷試歸偕嘉興李明府蘭浦

查明經妙問夜談卽用其韻

祇合端居捫蝨庵春殘又逐燕歸龕石經屢轉堅如
故水到流漸冷自詣對面忽驚人易老交情長與酒
同酣明朝重唱河梁別忍負燈前促膝談

季夏肩輿度桃花嶺雜感三章

典裘披葛換征衣客臘自瑞北柳眼無情綠正肥萬
里半年寒士累一肩六月路人稀巖花俯澗依然笑

野鳥巢雲自在飛，卻怪囊金揮霍盡。祇贏白髮數莖歸。

高下芙蓉面面逢，入林遮莫野雲封。春風都向客途盡，山色真如歸意濃。馬老昔曾譏畫虎，葉公原未好真龍。息肩那復歌行路，小住盤桓百尺松。

辨色登山宿靄開，萬松頂上白雲堆。窺人月落啼猿立，嘯壁風生餓虎來。心事屢違仍坦率，世途深閱不驚猜。辭驚便欲求仙去，跨鶴乘風徧八垓。

甲申秋月奉和錢學使稼軒先生十六日晨

達溫州

青園詩鈔

卷二

十

夜渡放舟亟晴空，吹浪輕旌旗開曉。色鼓吹散邊聲落，日江心寺秋風海上城。微塵助山嶽，獨戀錦帆程。

附原作

潮駛三更落風平，一葉輕晴巖明海。色寒樹雜江聲鳥語喧，山寺人烟護郡城。爲耽游興

好遲爾半帆程

奉和稼軒先生青田江行

雲淨清光迴江回，翠影環迎霜秋木。變銜日暮岑斑月滿，乘潮下風高見鶴還。知公吟眺處，強半是憐山

附原作

江到青田闊峯仍麗，水環懸巖茆屋小。綴岸柏林斑，罷槳從潮落。推篷看鳥還，行行屢回首。

首惜別石門山

丁亥春暮度桃花嶺二首

杜鵑花發畫眉啼，村女盈盈隔水溪。笑插滿頭嬌欲墮，行人已過板橋西。

絕谷中流百道泉，筍輿好趁夕陽天。樵歌聲裏花如錦，和雨鋤來壓滿肩。

小樓

小樓翠被怯輕寒，燭淚長流枕未安。蘭漿秋風人去後，相思一夜百花殘。

青園詩鈔

卷二

十

後相思一夜百花殘

題阮松隱採藥圖

披圖發長嘯，見君白雲裏。翠篠覆迴溪，春山隨杖履。掉頭成獨往，富貴視糠粃。淙流散脉清，芝光斂霞綺。散髮入岩阿，采采用爲餌。豈曰求神仙，聊用免塵鄙。我欲隨之行人事，紛未已。

和陳象臣觀察游雁宕詩

東南雁宕天下奇，塵跡不到世莫知。我公鞅掌發清興，自攀險曲無須騎。山靈與公有夙契，開顏特放春晴時。始自西南入深谷，披豁無窮猶縱目。珠簾內外